

Cofnodion y cyfarfod o Fwrdd Chwaraeon Cymru a gynhaliwyd ar 13 Mai 2019 yn YMCA Y Barri

Yr bresennol: Lawrence Conway (Cadeirydd), Pippa Britton (Is Gadeirydd), Ashok Ahir, Ian Bancroft, Richard Parks, Judi Rhys, Yr Athro Leigh Robinson, Phil Tilley, Alison Thorne, Martin Veale.

Staff yn bresennol: Sarah Powell (PW), Paul Randle (PR), Graham Williams (GW), Brian Davies (BD), Liam Hull (LH), Owen Lewis (Eitemau 1-5.6), Amanda Thompson (cofnodion)

Arsylwyr: David Rosser, Llywodraeth Cymru (DR) (ac eithrio eitem 5.3), Harrison Clayton (Grŵp Llywio'r Llysgenhadon Ifanc)

1. Croeso/ymddiheuriadau am absenoldeb

Croesawodd y Cadeirydd bawb i'r cyfarfod.

2. Datgan budd

IB, mewn perthynas â phapurau SW(19)21 ac SW(19)22 ac LR, mewn perthynas â phapur SW(19)22.

3. Adroddiad y Cadeirydd a'r Adroddiad Gweithredol

Mynychodd y Cadeirydd ginio a gynhaliwyd gan Gadeirydd Camelot, Syr Hugh Robertson, ar 8 Mai gyda Chadeiryddion eraill Dosbarthwyr y Loteri, gan gynnwys Sport England, UK Sport a Sport NI. Cawsant drafodaeth ar ddyfodol loteriau 'synthetig' a sefyllfa'r DCMS o ran y Loteri Genedlaethol. Roedd Camelot yn cydnabod bod angen gwell perthynas gyda holl Ddosbarthwyr y Loteri.

Cyfarfu'r Cadeirydd a'r PW ag Ysgrifennydd Gwladol Cymru ar 9 Mai i roi'r wybodaeth ddiweddaraf iddo am y trafodaethau ynghylch y Loteri a'r cynlluniau ar gyfer Gemau Cymranwlad 2022 yn Birmingham.

Diclchodd y PW i aelodau'r Bwrdd oedd wedi bod yn nyddiau gweithdy'r Strategaeth a'r staff oedd wedi gwneud cyflwyniadau a threfnu'r digwyddiadau.

O ran y fenter Nofio Am Ddim (MNADD) a'r cyflwyno drwy'r Gronfa Iach ac Egniïol (HAF), trafodwyd hyn ymhellach gyda'r Prif Weinidog a'i swyddogion i'w sicrhau am yr agweddau nofio am ddim. Roedd y Gweinidog wedi cytuno i'r newidiadau arfaethedig i'r MNADD a'r cyllid ar gyfer y Gronfa Iach ac Egniïol.

Atgoffwyd yr aelodau bod hyd at bedwar aelod Bwrdd newydd i gael eu penodi ym mis Gorffennaf. Dywedodd yr Is Gadeirydd bod diddordeb mawr gan amrywiaeth o bobl, a oedd yn galonogol iawn.

Trafodwyd amlygrwydd aelodau'r Bwrdd. Roedd y tîm Cyfathrebu wedi cyhoeddi cyfweiliadau 'blog' gyca'r Aelodau. Cafodd dyddiadau digwyddiadau i'w mynychu a chyfleoedd ar gyfer cyfrannu eu dosbarthu. Cafodd y syniad o ffrydio cwestiynau byw neu 'awr agored' gyda'r Aelodau ei grybwyll.

Cyf. Papur: SW(19)13

4. Agenda caniatâd

Cafodd y cofnod ymgysylltu a'r papurau fel y'u rhestrwyd eu nodi, ni chodwyd unrhyw faterion.
Cyf. Papurau: SW(19)14, SW(19)15, SW(19)16

5. Polisi a chraffu

5.1 Adroddiad diwedd blwyddyn Cynllun Busnes 2018/19

O_ gyflwynodd yr adroddiad hwn a thynnodd sylw at rai o'r llwyddiannau:

- Roedd y tîm Arweinyddiaeth wedi parhau i gymryd gwell perchnogaeth o'r cynllun a'r craffu arno.
- O blith y 18 maes adrodd yn ôl yn yr adroddiad, roedd 5 wedi'u cwblhau, roedd 11 yn agos at gael eu cwblhau ac roedd 2 i gael eu cario drosodd (tâl a graddfa a datblygu strwythur staffio hyblyg).
- Dangosodd yr Arolwg ar Chwaraeon Ysgol bod niferoedd cynyddol o blant anabl ac o gefndir lleiafrif ethnig yn cymryd rhan mewn chwaraeon. Roedd heriau i'w goresgyn o hyd er mwyn cynyddu cyfranogiad gan y rhai o gefndiroedd economaidd-gymdeithasol is.
- Yn yr Athrofa, roedd Iechyd Meddwl yn thema waith gyson yn ystod y flwyddyn a chynhaliwyd gweithdai iechyd meddwl mewn 15 camp wahanol, gan gynnwys mwy na 70 o arweinwyr perfformiad a staff cefnogi. Mae hyn wedi arwain at 120 o weithwyr chwaraeon proffesiynol yn cael hyfforddiant cymorth cyntaf iechyd meddwl drwy bartneriaeth â Phrifysgol Metropolitan Caerdydd.
- Parhaodd rhaglen y Llysgenhadon Ifanc i ffynnu gyda mwy na 4,000 o Lysgenhadon ledled Cymru ar hyn o bryd. Roedd tua 20,000 o bobl ifanc wedi cymryd rhan yn y cynllun ers 2010.
- Roedd y Fframwaith Llywodraethu ac Arweinyddiaeth (GLFW) a'r pecyn cysylltiedig o gefnogaeth yn golygu bod mwy o CRhC yn sicrhau lefelau llywodraethu cadarnach.
- Roedd dysgu oddi wrth Galw Am Weithredu'n sail i'r ffordd y byddai'r strategaeth newydd yn cael ei gweithredu.

Rcedd yr Is Gadeirydd yn goruchwyllo'r broses o adnabod y meysydd datblygu ar gyfer y Bwrdd a byddai'n ystyried a fyddai cymhwyster Llywodraethu CIPFA yn briodol ar gyfer aelodau Bwrdd Chwaraeon Cymru. Roedd un ar ddeg o uwch arweinwyr CRhC wedi dilyn y cwrs hwn yn ddiweddar.

Cyf. Papur: SW(19)17

5.2 Adroddiad blynyddol

Cyflwynodd PR ddiweddariad ar baratoi'r adroddiad blynyddol a'r cyfrifon ar gyfer 2018/19. Gwnaed awgrymiadau mewn perthynas â chodi proffil amrywiaeth a chyflwyno gwybodaeth ariannol mewn cyd-destun ehangach. Cytunodd yr Aelodau i'r argymhellion.

Cyf. Papur: SW(19)18

5.3 Diweddariad iechyd

GW gyflwynodd yr adroddiad hwn ar y cynnydd perthnasol i waith Chwaraeon Cymru yn dylanwadu ar bolisi iechyd. Cytunwyd y gellid cyflwyno'r meysydd gwaith uchod mewn papurau penodol i faes yn y dyfodol.

- 5.3.1 Adroddiad *Gweithgarwch Corfforol Plant a Phobl Ifanc Pwyllgor Iechyd, Gwasanaethau Cymdeithasol a Chwaraeon* y Cynulliad Cenedlaethol. Darparodd Chwaraeon Cymru arweiniad i'r Gweinidog ar gyfer Diwylliant, Chwaraeon a Thwristiaeth ar gyfer ei ymateb i bob un o'r 20 o argymhellion.

5.3.2 Ymgynghoriad **Pwysau Iach: Cymru Iach (HWHW)** Llywodraeth Cymru:

Ymunodd Aled Davies (Cydllynydd Datblygu Gwirfoddolwyr Ifanc) â GW ac OH i roi tystiolaeth i'r Pwyllgor Plant a Phobl Ifanc (CYPEC). Tynnodd CYPEC sylw at y galw am wneud A.G. yn ofodol fel rhan o'r cwricwlwm a chefnogi'r rhaglenni Pobl Ifanc Egnïol.

Byddai Bwrdd Gweithredu HWHW yn cael cais yn ei gyfarfod nesaf ym mis Medi am ffurfio un trefniant llywodraethu unigol fel bod y map ar gyfer darparu'n glir.

5.3.3 **Partneriaeth Gweithgarwch Corfforol Cymru (WPAP)**. Roedd y meysydd allweddol yn sicrhau llwyddiannau buan, gan ddangos ymrwymiad ar y cyd i arweinyddiaeth gasgliadol, gweithredu yn y tymor hwy i gael effaith arwyddocaol ar lefelau gweithgarwch corfforol, a sicrhau bod y gwaith hwn yn cyd-fynd â chyd-destun polisi ehangach Llywodraeth Cymru. Dyma'r **llwyddiannau buan**:

- **Cronfa Iach ac Egnïol.** Derbyniwyd 42 o geisiadau, argymhellwyd 16 o brosiectau, gwerth cyfanswm o £5.448m. Byddai'r Gweinidog yn cyhoeddi newyddion am y prosiectau llwyddiannus yn ffurfiol.
- **Datblygu cyfathrebu a brand yn uno**, gan gynnwys datblygu iaith gyffredin i'w defnyddio gydag WPAP a'r cyhoedd.
- **Arsyllfa gweithgarwch corfforol Cymru**, cytuno ar gyfres gasgliadol o ddangosyddion, cadarnhau data a thystiolaeth yn un lle, datblygu fframwaith gwerthuso cyffredin.
- **Sefyllfaoedd addysgol** – adolygu cyfleoedd casgliadol ar gyfer ymyriadau seiliedig ar addysg a dysgu a sicrhau potensial gorau'r rhaglenni presennol. Roedd y ffocws cychwynnol ar fapio'r ddarpariaeth bresennol a buddsoddi, gan nodi'r argymhellion ar gyfer y Cynllun Ysgolion Iach a'r cyfleoedd i ddylanwadu ar y cwricwlwm newydd ac Addysg Gychwynnol i Athrawon. Chwaraeon Cymru i ymgyrchu dros ddefnyddio cyfleusterau ysgolion ar gyfer y gymuned.

5.3.4 **Arweinyddiaeth gasgliadol a datblygu perthnasoedd.** Y flaenoriaeth oedd sefydlu ffordd gasgliadol o weithio i WPAP a pherthnasoedd positif, pwrpasol. Wrth symud ymlaen, y flaenoriaeth oedd datblygu cynllun tymor hwy ar gyfer y bartneriaeth ac adolygu'r dysgu hyd yma. Byddai sesiwn 'delweddu' ar gyfer partneriaid yn cael ei gynnal ym mis Mehefin.

Cyf. Papur: SW(19)19

5.4 **Cynllun Busnes 2019/20**

Adroddodd LH ar y Cynllun Busnes drafft. Roedd yr wyth amcan cyffredinol wedi cael eu cytuno'n flaenorol gan y Bwrdd. Roedd saith maes cynnydd a hefyd rhestr o elfennau i'w cyflawni, a fyddai'n newid pe bai meysydd gwaith pellach yn cael eu hychwanegu at y cynlluniau gwaith adrannol. Byddai'r penaethiaid gwasanaeth yn parhau i gyfarfod yn chwarterol i graffu ar gynnydd. Byddai sut dangosir tystiolaeth o ganlyniadau'n cael ei gofnodi yn rhywle arall. Cytunodd yr aelodau i'r argymhellion. Byddai'r Cadeirydd yn enwebu cynrychiolydd Bwrdd i gyfrannu at ddatblygu Cynllun Cycraddoldeb y Strategaeth.

Cyf. Papur: SW(19)20

5.5 Buddsoddiad cyfalaf Lle i Chwaraeon

Cyflwynodd BD ddiweddariad ar y buddsoddiad ychwanegol o £5m mewn cyfleusterau chwaraeon a gafwyd gan Lywodraeth Cymru a dosbarthodd fanylion rownd gyntaf y prosiectau sydd wedi cael caniatâd i fwrw ymlaen.

Aeth y broses ymgeisio agored ar-lein ddiwedd mis Ebrill ac mae ymateb cadarn wedi bod eisoes. Byddai'r panel gwneud penderfyniadau'n cyfarfod ganol mis Gorffennaf. Roedd y CRhC ar gyfer athletau, tennis, rygbi, pêl droed a gymnasteg wedi cael cyllid i ddatblygu eu cynlluniau presennol. Cytunwyd nad oedd angen ysgrifennu at bobl i ganfod prosiectau posib pellach. Byddai'r lledaeniad daearyddol yn ystyriaeth ar gyfer y broses ymgeisio agored ond, yn y pen draw, byddai prosiectau'n cael eu dewis er mwyn cadw at y dyddiad cau llym ar gyfer cwblhau, sef erbyn mis Mawrth 2020.

Cyf. Papur: SW(19)21

5.6 Diweddariad y Rhaglen Chwaraeon a Gweithgarwch Cymunedol (CSAP)

Rhoddodd GW ddiweddariad ar Chwaraeon Gogledd Cymru a'r cynnydd o ran ei ehangu ledled Cymru.

Roedd Bwrdd Partneriaeth Chwaraeon Gogledd Cymru (BPChGC) wedi esbonio pam bu ychydig o oedi gyda chynnydd. Ond roedd momentwm yn adeiladu nawr a byddai cyflwyniad llawn yn cael ei wneud erbyn diwedd mis Rhagfyr gyda'r bwriad i ChGC fynd yn fyw ym mis Ebrill 2020. Roedd Bwrdd Prosiect CSAP wedi cytuno ar gerrig milltir allweddol mewn gohebiaeth yn dilyn cyfarfod gyda BPChGC ar 15 Ebrill. Byddai diweddariadau misol i warchod rhag llithro. Byddai'r PW yn cyfarfod Cadeirydd BPChGC ar 3 Gorffennaf.

O ran ehangu CSAP, trefnwyd tridiau ymgysylltu ar gyfer 18, 19 a 24 Mehefin. Roedd hwn yn gyfle i gael adborth ar y dull pedwar rhanbarth o weithredu a awgrymwyd (Gogledd Cymru a thri arall) a'r broses gaffael, oedd yn ceisio rheoli'r tri rhanbarth ochr yn ochr er mwyn gadael i sefydliadau ymgeisio am fwy nag un rhanbarth a chynyddu arbedion maint o bosib. Byddai cymaint o ddysgu â phosib o Chwaraeon Gogledd Cymru yn sail i ehangu'r broses ac roedd cyflwyno cam ychwanegol, gwahoddiad i gyflwyno atebion amlinellol, yn esiampl o hyn.

Cyf. Papur: SW(19)22

5.7 Diweddariad adolygiad Cyfleusterau Cenedlaethol Chwaraeon Cymru

Cyflwynodd PR y pwyntiau gweithredu hyn yn dilyn cyfarfodydd grŵp diwethaf yr adolygiad ym Mh as Menai ar 1-2 Ebrill.

- Adolygiad manwl o ganfyddiadau FMG Consulting oedd yn nodi camau gweithredu tymor byr a chyfleoedd marchnata newydd, sydd wedi'u rhoi ar waith erbyn hyn.
- Adolygiad pellach o natur dymhorol y gweithgareddau a strwythurau cost.
- Adolygu cynllun busnes drafft 2019-2024 a baratowyd gan dîm rheoli Plas Menai gyda phwyslais ar y chyfleoedd refferiw newydd a gwerthusiad o fanteision ac effeithiau cymdeithasol ardal Gogledd Cymru yn ehangach.
- Gweithgarwch marchnata cynyddol a rhagolygon refferiw parhaus.
- Anghenion seilwaith cyfalaf, cytuno ar y prif flaenoriaethau yn y cyfnod ariannol presennol a pha gefnogaeth ellir ei rhoi i gyfleoedd busnes newydd ac arloesi.
- Gweithredu ymchwil pellach i'r adeilad ynghylch y pwll a gwerthuso opsiynau ar gyfer boeler/system wresogi newydd. Efallai y bydd rhaid i hyn aros tan yr hydref rhag tarfu ar dymor prysur yr haf.

Byddai CGChC yng Nghaerdydd yn cael ei thrafod yn y cyfarfod nesaf o'r grŵp ar 26 Mehefin. Byddai Plas Menai yn cael ei drafod eto pan fyddai adroddiad nesaf FMG yn barod ac opsiynau ar gyfer rheoli Plas Menai yn y dyfodol yn cael eu cyflwyno i'r Bwrdd ym mis Gorffennaf.

Cyf. Papur: SW(19)23

6. Cyllid a risg gorfforaethol

6.1 Diweddariad tâl a graddfa

Ar ôl y cyfarfod o'r Bwrdd ym mis Chwefror, cynhaliwyd sesiynau adborth agored gyda'r staff. Hefyd roedd Undeb y PCS wedi gofyn i'r staff am adborth ar y pwyntiau anghydfod aliweddol. Ar ôl y sesiynau adborth, ailagorwyd y trafodaethau gydag Undeb y PCS. Gan ystyried adborth y staff, trafodwyd sawl opsiwn ar sut i symud y cynnig ymlaen. Y risgiau wrth beidio â bwrw ymlaen â'r strwythur graddfeydd newydd oedd lleihau morâl y staff, risg o hawliadau cysylltiedig â chyfle cyfartal ac anallu i recriwtio a chadw staff o ansawdd digonol.

Disgrifiodd LH ddwy elfen newydd i'w cynnwys yn y cynnig i staff – taliad pontio unigol ar gyfer cyflogaion cylch coch a dyfarniad tâl cost byw ar gyfer 2019/20 i'w weithredu ar y graddfeydd cyflog arfaethedig. Cytunodd yr aelodau i gynnwys y rhain. Roedd cynnig o gynllun Gadael Gwirfoddol a chyflwyno isafswm cyflog o £10 yr awr i'r staff i gyd wedi'i gytuno'n flaenorol gan y Bwrdd a chawsant eu trafod hefyd.

6.2 Adroddiad ariannol diwedd blwyddyn 2018/19

Dywedodd PR bod Llywodraeth Cymru wedi cymeradwyo cario £350k drosodd ar ddiwedd y flwyddyn (o fewn y trothwy a ganiateir) a chario £4.84m drosodd o'r cyllid cyfalaf Lle i Chwaraeon. Cyfandaliad y diffyg pensiwn oedd £914k a threfnwyd y prisiad bob tair blynedd nesaf o'r gronfa ar gyfer mis Mawrth 2019, yn sail i gyfraniadau o fis Ebrill 2020 ymlaen. Roedd rhywfaint o danwariant gyda gwariant y Loteri, oherwydd dibyniaeth ar amserlenni penderfynu cyrff allanol a phanelau ac amrywiadau mewn perthynas â CSAP. Cyfeiriwyd yr aelodau at y papur am adroddiad manwl.

Cynhaliodd Swyddfa Archwilio Cymru waith archwilio interim yn ystod mis Chwefror ac ni chanfuwyd unrhyw broblemau. Byddai'r archwiliad diwedd blwyddyn yn weithredol o 20 Mai am bum wythnos. Byddai'r aelodau'n trafod y strategaeth fuddsoddi yn y dyfodol mewn sesiwn ar wahân ar ôl i'r cyfarfod hwn gau.

Cyf. Papur: SW(19)24

6.3 Dyhead risg sefydliadol

PR gyflwynodd yr adroddiad blynyddol hwn. Cafwyd trafodaeth ar ystyr lefelau'r risg a diffiniadau o'r categorïau. Roedd awgrymiadau y dylai 'enw da' gynyddu i 2-5 a 'phobl a diwylliant' i 3 i 6 (neu'n uwch i 8) er mwyn cyd-fynd â'r strategaeth newydd. Cytunwyd bod angen trafodaeth bellach ar hyn ar e-bost ar ôl y cyfarfod hwn. Byddai PR yn arwain a hefyd yn ychwanegu naratif ar y raddfa 0 i 10.

Cyf. Papur: SW(19)25

7. Gweithgorau a phwyllgorau sefydlog

7.1 Bwrdd Prosiect CSAP

Nodwyd y nodiadau o gyfarfod 15 Ebrill.

7.2 Adolygiad Chwaraeon Cymru o Gyfleusterau Cenedlaethol

Nodwyd y nodiadau o gyfarfodydd 26 Chwefror ac 1 i 2 Ebrill.

7.3 Grŵp Llywio'r Strategaeth Tymor Hir

Nodwyd y nodiadau o gyfarfod 26 Mawrth. Cytunwyd i barhau â'r grŵp gorchwyl a gorffen hwn, gan ei ailenwi yn Grŵp Gweithredu'r Strategaeth.

7.4 Grŵp Amrywiaeth Byrddau Partneriaid

Nodwyd y nodiadau o gyfarfod 16 Ebrill. Byddai cais i bob CRhC gyflwyno cynlluniau gydag amser arnynt ar gyfer y cynnydd sy'n cael ei wneud tuag at gydraddoldeb y rhywiau. Ni fyddai pob un yn cyrraedd y nod hwnnw erbyn mis Mawrth 2020. Awgrymwyd rhoi mwy o arweiniad i CRhC ar sut i ddenu mwy o geisiadau gan fenywod i Fyrddau. Awgrymwyd y dylai hyn gynnwys gweithdy ar gyfer cadeiryddion CRhC.

7.5 Pwyllgor Archwilio, Risg a Sicrwydd

Nodwyd y cofnodion drafft o gyfarfod 6 Mawrth. Ni chodwyd unrhyw broblemau.

8. Adroddiad Grŵp Llywio'r Llysgenhaden Ifanc

Cyflwynodd HC adroddiad ar y canlynol:

- Roedd y prosiect *Chwarae Mwy o Bêl Droed* mewn partneriaeth â Chymdeithas Bêl Droed Cymru wedi cael ei ehangu ledled Powys.
- Cynhaliodd Chwaraeon Powys drip preswyl i ysgolion i Ganolfan Gweithgareddau Sealyham yn Sir Benfro.
- Trefnodd y LII ŵyl ddawns i ysgolion a gynhaliwyd yn Ystradgynlais ym mis Mai.
- Mynychodd aelodau Grŵp Llywio'r LII ddigwyddiad arddangos gwirfoddoli ieuenctid y WCVA ym mis Mawrth.
- Cynhaliodd y LII weithdai ymgysylltu ag ieuenctid yn nigwyddiadau arfer da SAC yng Nghaerdydd a Chonwy yn ystod mis Mawrth. Siaradodd y cyn Lysgenhadon yn y digwyddiadau hyn i rannu eu profiadau.
- Cynhaliwyd cyfarfod o Grŵp Llywio Cenedlaethol y LII ar 26 Ebrill.
- Trefnwyd Cynhadledd Genedlaethol y LII ar gyfer 8 Tachwedd.
- Ymunodd cyn Lysgennad, Natalie Davies, â'r panel ar gyfer lansiad *Watch Her Go* yn y Senedd ar 5 Mawrth, gan hybu pwysigrwydd menywod mewn chwaraeon.
- Helpodd LII Sir y Fflint i ddarparu gweithgareddau fel rhan o'r Diwrnod Gemau 5x60 *US Girls*.
- Cynhaliodd tîm datblygu chwaraeon Ceredigion hyfforddiant LII Efydd ar gyfer ysgolion. Gwnaeth LII o Ysgol Plasrugg god QR gweithgarwch corfforol sydd wedi cael ei ddefnyddio ers hynny yn Sweden.
- Helpodd y LII ym mhencampwriaethau dawnio stryd i ysgolion Sefydliad UDOIT Dance.
- Enillodd LII Met Caerdydd wobwr Cymdeithas y Flwyddyn yng Ngwobrau Undeb Myfyrwyr Met Caerdydd.
- Helpodd y Llysgennad Platinwm Chloe Jordan yng ngwersyll 'Girls Active Coaches' yr Youth Sport Trust.
- Bu LII Ysgol Uwchradd Prestatyn yn cynorthwyo'r disgyblion yn ystod eu diwrnod pontio AG i ysgolion cynradd.
- Byddai archwiliad ac arolwg y LII yn cael ei ryddhau ddiwedd mis Mai.
- Byddai trafodaethau'n cael eu cynnal gyda'r Youth Sport Trust ar gyfleoedd pellach i gydweithredu.
- Ym mis Mehefin, byddai Grŵp Llywio'r flwyddyn nesaf yn cael ei recriwtio yn ystod yr Wythnos Gwirfoddolwyr.
- Byddai cylchlythyr y LII yn cael ei ryddhau'n fuan ar sianelau cyfryngau cymdeithasol.

9. Cofnodion y cyfarfod diwethaf

Cymeradwywyd cofnodion y cyfarfod diwethaf a gynhaliwyd ar 25 Chwefror 2019 fel cofnod manwl gywir.

Cyf. 6.2: Diweddariad ar bolisi ynghylch staff yn aelodau o Fyrddau CRhC. Roedd y mater hwn yn dal i gael ei drafod a byddai adroddiad yn cael ei roi i'r Bwrdd ym mis Gorffennaf.

10. Unrhyw fater arall

Ni chodwyd unrhyw faterion.

11. Dyddiadau'r cyfarfodydd nesaf

8 Gorffennaf (CGChC), 9/10 Medi (Plas Menai), 25/26 Tachwedd (CGChC).

Llofnod *Lawrence Conway* Lawrence Conway CB, Cadeirydd

Dyddiad *19th July* 2019